

皇子爲太子

〔新撰姓氏錄左京皇別上〕雀部朝臣○中應神御世代於皇太子大鷦鷯尊繫木綿襍掌監御膳因賜名曰大雀臣。

〔日本書紀三神武〕四十有二年正月甲寅立皇子神渟名川耳尊○靖爲皇太子。

〔日本書紀四神武〕二十五年正月戊子立皇子磯城津彥玉手看尊○安爲皇太子。

〔日本書紀五崇神〕四十八年正月戊子天皇勅豐城命活目尊○垂曰汝等二子慈愛共齊不知曷爲嗣各宜夢朕以夢占之二皇子於是被命淨沐而祈寐各得夢也會明兄豐城命以夢辭奏于天皇曰自登御諸山向東而八廻弄槍八廻擊刀弟活目尊以夢辭奏言自登御諸山之嶺繩組四方逐食粟雀則天皇相夢謂二子曰兄則一片向東當治東國弟是悉臨四方宜繼朕位四月丙寅立活目尊○垂爲皇太子以豐城命令治東國。

〔古事記仲哀〕坐穴門之豐浦宮及築紫訶志比宮治天下也此天皇○中又娶息長帶比賣命○功神是大后生御子品夜和氣命次大鞞和氣命亦名品陀和氣命柱此太子○應之御名所以負大鞞和氣命者初所生時如鞞生御腕故著其御名是以知坐腹中定國也。

〔日本書紀十應神〕四十年正月戊申天皇召大山守命大鷦鷯尊問之曰汝等者愛子耶對言甚愛也亦問之長與少孰尤焉大山守命對言不逮于長子於是天皇有不悅之色時大鷦鷯尊預察天皇之色以對言長者多經寒暑既爲成人更無悒矣唯少子者未知其成不是以少子甚憐之天皇大悅曰汝言寔合朕之心是時天皇常有立菟道稚郎子爲太子之情然欲和二皇子之意故發是問是以不悅大山守命之對言也甲子立菟道稚郎子爲嗣即日任大山守命令掌山川林野以大鷦鷯尊爲太子輔令知國事。

〔日本書紀十九欽明〕十五年正月甲午立皇子淳中倉太珠敷尊達敏爲皇太子。

〔日本書紀二十九天武〕二十年二月甲子是日立草壁皇子尊爲皇太子。